

Bosna i Hercegovina
Federacija Bosne i Hercegovine
Zeničko-dobojski kanton
OPĆINA VAREŠ
OPĆINSKO VIJEĆE



Broj: 01-46 /11
Vareš, 24.02. 2011. godine

Z A P I S N I K
*s 25. sjednice Općinskog vijeća Vareš,
održane 27.01. 2011. godine*

Josip Malbašić – predsjedavajući Općinskog vijeća Vareš, otvorio je 25. sjednicu s početkom u 9,00 sati, u velikoj sali Općine Vareš.

Izvršena je prozivka vijećnika.

Prisutni vijećnici: Ismet Abdulahović, Dženana Bešić, Tajiba Brkić, Dženana Hafizović, Izudin Ibrišimović, Kenan Kamenjaš, Džemo Kevrić, Milan Knežević, Jelena Kuhač Odenwald, Ešref Likić, Ivan Lučić, Josip Malbašić, Željko Matić, Mario Mirčić, Majda Muftić, Mato Pavić, Elvir Rožajac, Jasmin Salketić, Dragan Sekulić, Nikola Šimić i Jelena Zlobec.

Odsutni: Nema

Pored vijećnika sjednici prisustvuju: Općinski načelnik Hamdo Fatić, tajnik Općinskog vijeća Leon Pavlović, pomoćnici općinskog načelnika, Mevla Alić ispred službe za prostorno uređenje i obnovu, predsjednici političkih stranaka, zastupnik Skupštine ZE-DO kantona Fahrudin Brkić, direktorica JP „Vareš-Stan“ d.o.o. Vareš Željka Petrović, predsjednik Nadzornog odbora JP „Vareš-Stan“ d.o.o. Vareš Dragan Pranjić, direktorica JU Centar za socijalni rad Vareš Nihada Gondžo, Tomo Lučić ispred PJ Elektrodistribucija Vareš i predsjednik MZ Vareš Enver Fetišević.

Tajnik Općinskog vijeća izvijestio je Vijeće o realizaciji Zaključaka s 24. sjednice OV održane dana 29.12.2010. godine i dostavljenim odgovorima na vijećnička pitanja. Općinsko vijeće na 24. sjednici donijelo je 5 Zaključaka. Svi zaključci su u toku realizacije, jer nisu vremenski precizirani. O realizaciji zaključaka Vijeće će biti informirano na jednoj od narednih sjednica OV. Na istoj sjednici postavljeno je 5 vijećničkih pitanja. Na 4 pitanja nadležna služba je dostavila pismeni odgovor podnosiocu pitanja, a na jedno pitanje nije dostavljen nikakav pismeni odgovor, niti Služba ima podatke da su nadležni odgovorili na postavljeno vijećničko pitanje. Sekretar OV podsjetio je prisutne na zaključak sa ranije sjednice OV, da sukladno sa člankom 29. Poslovnika o radu Općinskog vijeća Vareš, obveza Kolegija je da na svakoj sjednici analizira kako se provode zaključci, preporuke i inicijative OV.

Općinski načelnik Hamdo Fatić u okviru aktualne problematike na području općine Vareš, za današnju sjednicu nije imao obraćanje Općinskom vijeću.

(Vijećnička pitanja)

Tajiba Brkić

1. Da li će se raditi rasvjeta u ostalim Mjesnim zajednicama općine Vareš, tamo gdje nije urađena?

Ismet Abdulahović

2. Nije zadovoljan odgovorom koji je dobio na postavljeno pitanje na prošloj sjednici OV u vezi greblja u Mjesnoj zajednici Dabravine i ponovo traži od Općinskog načelnika da hitno riješi ovaj problem.

Elvir Rožajac

3. Zašto se trotoari u gradu ne održavaju, posebno skreće pažnju na trotoare u jednosmjernoj ulici Put mira gdje se pješaci zbog neodržavanja trotoara moraju kretati po cesti?

Jelena Zlobec

Sa sadržajem odgovora koji je dobila na postavljeno vijećničko pitanje na prošloj sjednici OV u vezi naplate naknade za priključno mjesto, upoznala je prisutne vijećnike i građane općine Vareš.

Mato Pavić

4. Da li je Općinski načelnik upoznat što djelatnici JP „ŠPD“ Zavidovići ovih dana rade na dijelu puta od Zvezdanskog groblja do Šiminog potoka?

Džemo Kevrić

5. Zašto se već u samom startu kasni sa tačkama dnevnog reda koje su planirane Programom rada OV za 2011. godinu, tj. Kalendarom akata koje će se razmatrati na sjednicama OV?

Jelena Kuhač - Odenwald

Izjavila je i upoznala prisutne da od današnje sjednice OV nastupa kao slobodni vijećnik, a ne kao vijećnik „Naše stranke“. Naglašava da je dala pismenu ostavku na sve funkcije u stranci.

Predsjedavajući OV stavio je na raspravu zapisnik sa 24. sjednice OV.

Nije bilo primjedbi i predsjedavajući OV stavio je na izjašnjavanje zapisnik sa 24. sjednice OV i nakon izjašnjavanja vijećnika konstatirao da je **zapisnik sa 24. sjednice OV jednoglasno usvojen.**

Na raspravu je stavljen prijedlog dnevnog reda iz poziva za 25. sjednicu OV.

Nije bilo primjedbi niti prijedloga za izmjenu dnevnog reda današnje sjednice OV

Predsjedavajući OV stavio je na izjašnjavanje prijedlog dnevnog reda iz poziva za 25. sjednicu OV i nakon izjašnjavanja vijećnika konstatirao da je **jednoglasno usvojen slijedeći**

Dnevni red

1. Prijedlog Programa rada Općinskog načelnika za 2011. godinu.
2. Prijedlog Odluke o prosječnoj konačnoj građevinskoj cijeni 1 m² korisne stambene površine na području općine Vareš za 2010. godinu.
3. Nacrt Odluke o utvrđivanju cijena obavljanja dimljačarskih poslova.
4. Prijedlog Odluke o izmjeni i dopuni Odluke o općinskim komunalnim pristojbama.
5. Prijedlog Zaključka o davanju suglasnosti za potpisivanje Memoranduma o suradnji Općine Vareš i predstavnika nevladinih organizacija iz općine Vareš.
6. Prijedlog Rješenja o dodjeljivanju na korištenje radi izgradnje stambenog objekata, neizgrađenog građevinskog zemljišta ZLOVIĆ (Branka) JADRANKI iz Vareša.
7. Prijedlog Rješenja o dodjeljivanju na korištenje radi izgradnje stambenog objekata, neizgrađenog građevinskog zemljišta KAMENJAŠ (Sulejmana) KENANU iz Dabravina, općina Vareš.
8. Informacija o stanju napajanja električnom energijom na području općine Vareš i mjerama na poboljšanju iste.
9. Informacija o položaju socijalno ugroženih kategorija stanovništva sa posebnim osvrtom na položaj penzionera.
10. Tekuća pitanja

Ad. 1.

*(Prijedlog Programa rada
Općinskog načelnika za 2011. godinu.)*

Općinski načelnik Hamdo Fatić dao je kratko obrazloženje za ovu točku dnevnog reda i izjavio da prihvata sve dobre prijedloge za poboljšanje Programa rada Općinskog načelnika za 2011. godinu, a time i poboljšanje stanja u općini Vareš.

Otvorena je rasprava u kojoj su svoje prijedloge i primjedbe iznijeli vijećnici: Elvir Rožajac, Ivan Lučić, Mario Mirčić, Džemo Kevrić, Dženana Bešić, Nikola Šimić, Ismet Abdulahović i Jelena Kuhač Odenwald.

- **Vijećnik Elvir Rožajac** je naglasio da se u Programu rada Općinskog načelnika za 2011. godinu neke Mjesne zajednice općine Vareš ne spominju, niti se spominju domovi u Mjesnim zajednicama koji nisu u proceduri rješavanja a ima potrebe za to, kao ni izgradnja igrališta za djecu.

- **Vijećnik Mario Mirčić** traži i predlaže da se u Programu rada Općinskog načelnika za 2011. godinu uvrsti stavka u oblasti infrastrukture: „Program rekonstrukcije postojeće javne rasvjete i instalacija na svim mjestima gdje je nema“.

- **Vijećnik Džemo Kevrić** ispred Kluba vijećnika BPS traži od Općinskog načelnika ili Stručne službe da se u Programu rada Općinskog načelnika za 2011. godinu uradi i uvrsti stavka o „ Realizaciji privatizacije na području općine Vareš i efekti privatizacije, što je

urađeno u skladu sa onim što je planirano po svakoj firmi po pitanju privatizacije“ i da ovo rješavamo i završimo u II kvartalu tekuće godine.

- **Vijećnica Dženana Bešić** ispred Kluba vijećnika SDA i u svoje lično ime sugerira Općinskom načelniku da se drži svojih kompetencija i nadležnosti, koristi vještinu komunikacije sa budućom Vladom u kantonu i da sve prezentirano u Programu rada Općinskog načelnika za 2011. godinu, bude realizirano konkretno na korist i interes svih građana općine Vareš.

- **Vijećnik Nikola Šimić** je u svoje osobno ime dao mišljene u vezi Programa rada Općinskog načelnika za 2011. godinu. Sugerira Općinskom načelniku da u suradnji sa JU Dom zdravlja Vareš pristupi rješavanju problema u vezi terenskih ambulanti i pružanja usluga angažiranjem medicinske sestre, u Mjesnim zajednicama Dragovići, Borovica, Pogar i Duboštica. Napominje da će spomenute Mjesne zajednice uputiti dopis JU Dom zdravlja Vareš, Općinskom načelniku i Općinskom vijeću vezano za rješavanje ovog problema. Sugerira Općinskom načelniku da se uradi projektna dokumentacija za domove u Mjesnim zajednicama, tamo gdje su oni postojali i napominje problem deponija smeća u MZ Borovica i Duboštica.

- **Vijećnik Ismet Abdulahović** traži od Općinskog načelnika da vidi mogućnost da Agencija za privatizaciju predoči ugovore o privatizaciji firmi na području općine Vareš i da se vide obaveze kupaca prema radnicima, te mogućnost pomoći u uplaćivanju doprinosa za radni staž i penzionisanja istih, kao što je u Programu navedeno za neke firme. Traži od Općinskog načelnika da se u Program rada Općinskog načelnika za 2011. godinu uvrsti stavka „Izrada projekta i asfaltiranje igrališta i nastavak elektrifikacije u MZ Dabravine, općina Vareš“. Napominje problem napuštenih stanova u općini Vareš i traži, ako postoji mogućnost, da se izvrši pečačenje istih.

- **Vijećnica Jelena Kuhač - Odenwald** iznijela je svoje lično mišljenje da se treba u Programu navesti kad, tko i što se kontrolira.

Općinski načelnik Hamdo Fatić dao je neka obrazloženja i pojašnjenja za predložene prijedloge Klubova vijećnika i vijećnika OV. U vezi rokova predložio je da se Zaključkom odrede rokove tamo gdje se mogu odrediti, a tamo gdje ne nije moguće da se ne insistira na tome. Općinski načelnik je prihvatio predložene primjedbe i prijedloge. Također je prihvatio i predložene **amandmane Kluba vijećnika SDP i to:**

1. Da se u Program rada Općinskog načelnika za 2011. godine uvrsti Prijedlog Odluke o kategorizaciji lokalnih cesta. (prijedlog za Vladu ZE-DO kantona).
2. Da Općinski načelnik donese srednjoročni program održavanja zaštite kao i program rekonstrukcije izgradnje i obnove lokalnih cesta. (obaveza iz Zakona o cestama).
3. Da Općinski načelnik donese plan i program održavanja zaštite kao i program rekonstrukcije izgradnje i obnove lokalnih cesta za 2011. godinu.
4. Da se izvrši potpuna implementacija Zakona o komunalnim djelatnostima. (Potrebno je donijeti još neke propise u implementaciji Zakona i uvođenja komunalnih poslova u sistem komunalnih djelatnosti.).
5. Da se u Program rada ponovo vrata industrijske zone. (Šijakovo i Kran).

Predsjedavajući OV zaključio je raspravu i stavio na izjašnjenje Prijedlog Programa rada Općinskog načelnika za 2011. godinu sa primjedbama, prijedlozima i amandmanima koje je Općinski načelnik prihvatio.

Nakon izjašnjavanja vijećnika konstatira da je sa **16 glasova „ZA“**, **4 glasa „PROTIV“** i **1 „SUZDRŽANIM“ glasom usvojen**

***Program rada Općinskog
načelnika za 2011. godinu.***

Ad. 2.

*(Prijedlog Odluke o prosječnoj konačnoj građevinskoj
cijeni 1m² korisne stambene površine
na području općine Vareš za 2010. godinu.)*

Komisija za statutarna pitanja i propise nije imala primjedbi na Prijedlog odluke o prosječnoj konačnoj građevinskoj cijeni 1m² korisne stambene površine na području općine Vareš za 2010. godinu.

Predlagač nije imao dodatna obrazloženja.

Po ovoj točki nije bilo rasprave i predsjedavajući OV stavio je na izjašnjavanje Prijedlog odluke o prosječnoj konačnoj građevinskoj cijeni 1m² korisne stambene površine na području općine Vareš za 2010. godinu.

Nakon izjašnjavanja vijećnika predsjedavajući OV konstatira da je **jednoglasno usvojena**

***Odluka o prosječnoj konačnoj građevinskoj
cijeni 1m² korisne stambene površine
na području općine Vareš za 2010. godinu.***

Ad. 3.

*(Nacrt Odluke o utvrđivanju cijena
obavljanja dimnjačarskih poslova.)*

Stav Komisije za statutarna pitanja i propise je da se u Nacrtu Odluke o utvrđivanju cijena dimnjačarskih poslova u preambuli u prvom redu iza riječi “stav (1)” briše riječ “podtačka” i stavi riječ “tačka” i u prvom redu iza riječi “g)” briše “ zarez ” i stavi riječ “ i ”, ostali tekst ostaje isti.

Komisija je također zauzela stav da se u obrazloženju Nacra Odluke gdje je kao predlagač navedeno JP “Vareš-Stan” d.o.o. Vareš napravi izmjena i da se kao predlagač navede Općinski načelnik.

Predlagač nije imao dodatno obrazloženje za ovu tačku dnevnog reda.

Otvorena je rasprava u kojoj su učestvovali vijećnici: Ivan Lučić, Elvir Rožajac, Džemo Kevrić, Dženana Bešić, Mario Mirčić i direktorica JP „Vareš-stan“ d.o.o. Vareš Željka Petrović koja je dala neka objašnjenja za ovu tačku dnevnog reda i izjasnila se da ne prihvata prijedlog Kluba vijećnika SDP da se cijena obavljanja dimnjačarskih poslova obračunava po norma satu.

Zaključena je rasprava i predsjedavajući OV stavio je na izjašnjavanje

Zaključak:

- Predloženi Nacrt Odluke o utvrđivanju cijena obavljanja dimnjačarskih poslova uz primjedbe iznesene na sjednici, predstavlja dobru osnovu za utvrđivanje Prijedloga Odluke o utvrđivanju cijena obavljanja dimnjačarskih poslova, te Vijeće Nacrt Odluke upućuje na javnu raspravu u trajanju od 15 dana, koju će provesti Općinski načelnik i nadležne Službe za upravu zajedno sa JP „Vareš-stan“ d.o.o. Vareš, te sačiniti Izvješće i utvrditi Prijedlog Odluke za Općinsko vijeće.

Nakon izjašnjavanja vijećnika predsjedavajući OV konstatira da je predloženi Zaključak **jednoglasno usvojen.**

Ad. 4.

*(Prijedlog Odluke o izmjeni i dopuni
Odluke o općinskim komunalnim pristojbama.)*

Stav Komisije za statutarna pitanja i propise je da se u Prijedlogu Odluke o izmjeni i dopuni Odluke o komunalnim pristojbama u preambuli u prvom redu iza riječi “članka 13.” doda riječ “stavak 1., iza riječi “točka c.” doda riječ “i stavak 3.”, da se u drugom redu iza riječi “(Sl. novine FBiH” br: 22/06, 43/08 i 22/09), “ doda “riječ “članka 13. i”, a brišu navedena riječ “ članka” i riječ “i 37”, i da se u četvrtom redu iza riječi “Općinsko vijeće” briše riječ “općine” ostali tekst ostaje isti.

Predlagač nije imao dodatno obrazloženje za ovu točku dnevnog reda.

Otvorena je rasprava u kojoj su učestvovali vijećnici: Ivan Lučić, Dženana Bešić, Jasmin Salketić, Ismet Abdulahović, Mario Mirčić, predsjedavajući OV Josip Malbašić i predsjednik stranke SDA Sadudin Numanović.

Ispred predlagača Jadranka Radoš dala je kratko obrazloženje za ovu točku dnevnog reda.

Zaključena je rasprava i predsjedavajući OV je pozvao predlagača da se izjasni o amandmanu vijećnika Ivana Lučića i to:

- da se u Prijedlogu Odluke o izmjeni i dopuni Odluke o općinskim komunalnim pristojbama iz riječi „ ... Bankomati“ dodaju riječi „ koji nisu u sastavu poslovnih prostora banke“.

Ispred predlagača Jadranka Radoš se izjasnila da ne prihvata prijedlog amandmana vijećnika Ivana Lučića.

Predsjedavajući OV stavio je na izjašnjavanje predloženi amandman vijećnika Ivana Lučića.

Nakon izjašnjavanja vijećnika predsjedavajući OV konstatira da sa **4 glasa „ZA“, 13 glasova „PROTIV“ i 2 „SUZDRŽANA“ glasa predloženi amandman nije usvojen.**

Predsjedavajući OV stavio je na izjašnjavanje Prijedlog Odluke o izmjeni i dopuni Odluke o općinskim komunalnim pristojbama.

Nakon izjašnjavanja vijećnika predsjedavajući OV konstatuje da je sa **18 glasova „ZA“ i 3 glasa „PROTIV“ usvojena**

***Odluka o izmjeni i dopuni Odluke
o općinskim komunalnim pristojbama.***

Ad. 5.

(Prijedlog Zaključka o davanju suglasnosti za potpisivanje Memoranduma o suradnji Općine Vareš i predstavnika nevladinih organizacija iz općine Vareš.)

Otvorena je rasprava u kojoj su učestvovali vijećnik Nikola Šimić i Općinski načelnik Hamdo Fatić koji je dao pojašnjenje za ovu točku dnevnog reda.

Zaključena je rasprava i predsjedavajući OV je stavio na izjašnjavanje Prijedlog Zaključka o davanju suglasnosti za potpisivanje Memoranduma o suradnji Općine Vareš i predstavnika nevladinih organizacija iz općine Vareš.

Nakon izjašnjavanja vijećnika predsjedavajući OV konstatira da je **jednoglasno usvojen**

Zaključak o davanju suglasnosti za potpisivanje Memoranduma o suradnji Općine Vareš i nevladinih organizacija iz općine Vareš

Ad. 6.

(Prijedlog Rješenja o dodjeljivanju na korištenje radi izgradnje stambenog objekta, neizgrađenog građevinskog zemljišta ZLOVIĆ (Branka) JADRANKI iz Vareša.)

Otvorena je rasprava u kojoj su učestvovali vijećnici: Mario Mirčić, Džemo Kevrić i Mevla Alić ispred predlagачa, koja je dala objašnjenje za ovu točku dnevnog reda.

Zaključena je rasprava i predsjedavajući OV stavio je na glasanje Prijedlog Rješenja o dodjeljivanju na korištenje radi izgradnje stambenog objekta, neizgrađenog građevinskog zemljišta Zlović (Branka) Jadranski iz Vareša.

Nakon izjašnjavanja vijećnika predsjedavajući OV konstatira da je **jednoglasno usvojeno**

Rješenje o dodjeljivanju na korištenje radi izgradnje stambenog objekta, neizgrađenog građevinskog zemljišta ZLOVIĆ (Branka) JADRANKI iz Vareša.

Ad. 7.

(Prijedlog Rješenja o dodjeljivanju na korištenje radi izgradnje stambenog objekta, neizgrađenog građevinskog zemljišta KAMENJAŠ (Sulejmana) KENANU iz Dabravina, općina Vareš.)

Po ovoj točki dnevnog reda nije bilo rasprave i predsjedavajući OV stavio je na izjašnjavanje prijedlog Rješenja o dodjeljivanju na korištenje radi izgradnje stambenog objekta, neizgrađenog građevinskog zemljišta Kamenjaš (Sulejmana) Kenanu iz Dabravina, općina Vareš.

Nakon izjašnjavanja vijećnika predsjedavajući OV konstatira da je **jednoglasno usvojeno**

Rješenje o dodjeljivanju na korištenje radi izgradnje stambenog objekta, neizgrađenog građevinskog zemljišta KAMENJAŠ (Sulejmana) KENANU iz Dabravina, općina Vareš.

Ad. 8.

(Informacija o stanju napajanja električnom energijom na području općine Vareš i mjerama na poboljšanju iste.)

Po ovoj točki dnevnog reda nije bilo rasprave i predsjedavajući OV stavio je na izjašnjavanje Informaciju o stanju napajanja električnom energijom na području općine Vareš i mjerama na poboljšanju iste.

Nakon izjašnjavanja vijećnika predsjedavajući OV konstatira da je **jednoglasno usvojena**

Informacija o stanju napajanja električnom energijom na području općine Vareš i mjerama na poboljšanju iste.

Ad. 9.

(Informacija o položaju socijalno ugroženih kategorija stanovništva sa posebnim osvrtom na položaj penzionera.)

Otvorena je rasprava u kojoj su učestvovali vijećnici: Ismet Abdulahović, Jelena Zlobec, Džemo Kevrić, Elvir Rožajac, Majda Muftić, Tajiba Brkić, Ivan Lučić, Željko Matić, Mato Pavić, predsjedavajući OV Josip Malbašić i direktorica JU Centar za socijalni rad Vareš Nihada Gondžo, koja je dala objašnjenje za ovu točku dnevnog reda i odgovorila na neka pitanja vijećnika postavljena u toku rasprave.

Zaključena je rasprava i predsjedavajući OV predložio je Vijeću da usvoji predloženu Informaciju uz

Zaključak:

Zbog povećanja broja socijalno ugroženih kategorija stanovništva na području općine Vareš, OV traži od Općinskog načelnika i nadležne službe da u suradnji sa JU Centar za socijalni rad Vareš i Mjesnim zajednicama općine Vareš, provode stalne aktivnosti na obavještavanju onih koji su možda potencijalni korisnici nekih od vidova socijalne pomoći i da pri tome daju maksimalnu podršku da se omogući što većem broju socijalno ugroženih građana da postanu korisnici nekih od vidova socijalne pomoći, i da makar na takav način malo smanjimo ovu socijalnu situaciju na području općine Vareš.

Nakon izjašnjavanja vijećnika predsjedavajući OV konstatira da je **jednoglasno usvojen predloženi Zaključak i**

Informacija o položaju socijalno ugroženih kategorija stanovništva sa posebnim osvrtom na položaj penzionera.

A.d. 10.

(Tekuća pitanja.)

1. Predsjedavajući OV podsjetio je prisutne da je Općinsko vijeće tražilo očitovanje od JU Dom zdravlja Vareš na zahtjev sa 23. sjednice OV. JU Dom zdravlja Vareš, Vijeću je uputila pismeno očitovanje. Pošto su svi vijećnici u materijalu za današnju sjednicu OV dobili kopiju dopisa, zaključeno je da predsjedavajući OV nema potrebe da navedeni dopis pročita.

Otvorena je rasprava u kojoj je učestvovala vijećnica Tajiba Brkić.
Zaključena je rasprava uz konstataciju da je Vijeće upoznato sa dopisom.

2. Predsjedavajući OV upoznao je prisutne sa sadržajem odgovora, upućenog od strane JU Centar za socijalni rad Vareš, na Zaključak Vijeća u vezi izrade socijalne karte na području općine Vareš.

Otvorena je rasprava i pošto nije bilo učesnika u raspravi, predsjedavajući OV zaključio je raspravu i konstatirao da je dopis trebao biti upućen Općinskom načelniku i nadležnoj službi i da ovakvi odgovori kad su u pitanju slične stvari trebaju se dostavljati u nadležnu službu i onda da Služba da konkretne prijedloge i da objedinjene informacije dolaze na sjednice Vijeća.
Predsjedavajući OV predložio je Vijeću

Zaključak:

- Općinskom načelniku i nadležnoj službi stavlja se na razmatranje i na daljnji postupak dopis JU Centar za socijalni rad Vareš, vezano za izradu socijalne karte na području općine Vareš.

Nakon izjašnjavanja vijećnika predsjedavajući OV konstatira da je predloženi Zaključak **jednoglasno usvojen.**

Predsjedavajući OV izvijestio je Vijeće da je od strane JU Centar za socijalni rad Vareš upućena Informacija o osnivanju fondacije.

Predsjedavajući OV konstatirao je da se po pitanju ove Informacije o osnivanju fondacije postupi kao i u slučaju izrade socijalne karte na području općine Vareš i predložio

Zaključak:

- Općinskom načelniku i nadležnoj službi stavlja se na razmatranje i na daljnji postupak Informacija o osnivanju fondacije od strane JU Centar za socijalni rad Vareš.

Nakon izjašnjavanja vijećnika predsjedavajući OV konstatira da je predloženi Zaključak **jednoglasno usvojen.**

3. Predsjedavajući OV upoznao je prisutne sa sadržajem dopisa koji je upućen Vijeću od strane Skupštine JKP d.o.o. Vareš vezano za donesene Zaključke Skupštine JKP d.o.o. Vareš.

Predsjedavajući OV je konstatirao da se predloženi Zaključci Skupštine JKP d.o.o. Vareš odnose na aktivnosti općinskog načelnika i nadležnih službi i predložio

Zaključak:

- **Da se Općinskom načelniku i nadležnim službama prosljede Zaključci Skupštine JKP d.o.o. Vareš na daljnje postupanje i pripremu određenih procedura i akata da bi se Vijeće o tome moglo očitovati, s tim da je Općinski načelnik dužan izvijestiti Vijeće o poduzetim aktivnostima po ovom pitanju na sjednici OV koja će se održati u martu mjesecu tekuće godine.**

Nakon izjašnjavanja vijećnika predsjedavajući OV konstatira da je predloženi Zaključak **jednoglasno usvojen.**

4. Predsjedavajući OV upoznao je prisutne sa sadržajem odgovora JP „Elektroprivreda BiH“ d.d. Sarajevo – Podružnica „Elektrodistribucija“ Zenica, a odnosi se na Prijedlog Općinskog vijeća u vezi radnog vremena subotom šaltera za naplatu.

Predsjedavajući OV je još jednom naglasio da će građani općine Vareš po obećanju direktora JP „Elektroprivreda BiH“ d.d. Sarajevo u skorije vrijeme na šalterima banaka moći plaćati račune za utrošenu električnu energiju bez naknade.

5. Predsjedavajući OV upoznao je prisutne sa sadržajem dopisa Ministarstva za obrazovanje, nauku, kulturu i sport ZE-DO kantona, upućenog Općinskom vijeću na traženje Općine Vareš da se dostavi Informacija o parametrima ili kriterijima na osnovu kojih se u proceduri javnog poziva, nakon što općinske komisije izvrše bodovanje kandidata i izrade konačne preliminarne liste, odredi konačan broj studenata u jednoj općini koji će dobiti stipendiju Ministarstva za obrazovanje, nauku, kulturu i sport ZE-DO kantona.

Predsjedavajući OV je konstatirao da je Vijeće upoznato sa sadržajem dopisa.

6. Predsjedavajući OV upoznao je prisutne sa sadržajem dopisa Ministarstva za obrazovanje, nauku, kulturu i sport ZE-DO kantona, koje je upućeno Općinskom vijeću na traženje Općine Vareš, u vezi Zahtjeva roditelja učenika V, VI i VII razreda devetogodišnje osnovne škole čija djeca pohađaju nastavu na hrvatskom jeziku u OŠ „Vareš“ u Varešu.

Otvorena je rasprava u kojoj su učestvovali vijećnici: Ivan Lučić, Jelena Zlobec, Elvir Rožajac, Dženana Bešić, Ismet Abdulahović, Mato Pavić, Mario Mirčić i predsjedavajući OV Josip Malbašić koji je predložio da se u saradnji sa zainteresiranim roditeljima i menedžmentom OŠ „Vareš“ u Varešu, Općinski načelnik i nadležne službe ponovo uputi dopis sa priložima i na adresu OSCE-a Terenski ured Zenica i na adresu Obusmena za ljudska prava, jer se direktno ugrožavaju prava djeteta na obrazovanje na maternjem jeziku.

Predsjedavajući OV dao je **Prijedlog:**

- **Predlaže se Općinskom načelniku da organizira sastanak, pripremi nacrt pisma koje bi se uputilo Ministarstvu za obrazovanje, nauku, kulturu i sport, Skupštini ZE-DO kantona, OSCE-u Terenski ured Zenica i Obusmenu BiH za ljudska prava.**

Nakon izjašnjavanja vijećnika predsjedavajući OV konstatira da je Prijedlog **jednoglasno usvojen.**

7. Predsjedavajući OV upoznao je prisutne sa sadržajem dopisa koje je MZ Daštansko općina Vareš uputila JP „ŠPD“ ZDK“ d.o.o. Zavidovići u kome Savjet MZ Daštansko traži da JP „ŠPD ZDK“ Zavidovići izvrši popravku lokalnog puta za PD Mekuše kao i teren oko izvorišta „Selište“.

Općinski načelnik Hamdo Fatić izvijestio je Vijeće da je upoznat sa dopisom i da su na teren upućeni komunalni i sanitarni inspektor da snime stanje na terenu, ali da još nema povratne informacije. Općinski načelnik je naglasio da je spreman pozvati i Kantonalne inspektore vodoprivrede i šumarstva.

Predsjedavajući OV predložio je

Zaključak:

- **Predlaže se Općinskom načelniku da i dalje prati situaciju i blagovremeno reaguje i obavijesti nadležne Kantonalne inspeksijske službe.**

Za riječ su se javili vijećnici: Mario Mirčić i Ivan Lučić koji su iznijeli svoje mišljenje.

Predsjedavajući OV stavio je na izjašnjavanje predloženi Zaključak i nakon izjašnjavanja vijećnika konstatira da je Zaključak **jednoglasno usvojen.**

8. Predsjedavajući OV podsjetio je prisutne da je na zahtjev Kolegija OV, a preko Općinskog načelnika, JKP d.o.o. Vareš dostavilo Informaciju o prodaji dijela devastiranog i otuđenog cjevovoda vodovoda „Bukovica“. Vijećnici su u materijalu za današnju sjednicu dobili kopiju Informacije, tako da su upoznati sa sadržajem iste.

Otvorena je rasprava u kojoj su učestvovali vijećnici: Elvir Rožajac i Ismet Abdulahović.

Općinski načelnik Hamdo Fatić javio se za riječ i izvijestio Vijeće da je obaviješten, da je krim - služba PS Vareš bila u JKP d.o.o. Vareš, i da će ubrzo biti gotovi nalazi istrage. I iz tog razloga Općinski načelnik je predložio

Zaključak:

- **da se rasprava o Informaciji od strane JKP d.o.o. Vareš odgodi za narednu sjednicu OV, za koju će biti dostavljena dopunjena Informacija od strane PS Vareš o ovome problemu.**

Nakon izjašnjavanja vijećnika predsjedavajući OV konstatira da je predloženi Zaključak **jednoglasno usvojen.**

9. Vijećnica Dženana Bešić izvijestila je prisutne da je Ministarstvo za boračka pitanja ZDK dana 26.01.2011. godine, obavijestilo Općinsku službu za društvene djelatnosti i BIZ da je za školsku 2010/2011 godinu odobreno 32 stipendije ovoga Ministarstva za našu općinu uz objašnjenje kao i ranijih godina da se broj korisnika ove stipendije iz pojedinih općina određuje prema procentualnom učešću pripadnika boračke populacije iz općine u OS BiH.

Djelatnici Službe za društvene djelatnosti i BIZ su mišljenja da je Ministarstvo za boračka pitanja ZDK koristilo isti kriterij, da nije u procent učešća u Oružanim snagama branilaca sa područja općine Vareš uvršten broj i pripadnika Armije BiH i pripadnika HVO, obzirom na tako mali broj odobrenih stipendija. Služba je o tome izvijestila i Općinskog načelnika.

S tim u vezi vijećnica Dženana Bešić predložila je

Zaključak:

- Da se Ministarstvu za boračka pitanja ZDK i Vladi ZDK ispred Vijeća i Općinskog načelnika, uputi zahtjev za povećanje broja stipendija Ministarstva za boračka pitanja ZDK studentima iz općine Vareš, da se postojeći problem mora riješiti i da Vlada i Ministarstvo realno procijene potrebe i troškove vareških studenata u odnosu na studente iz drugih općina ZDK (boravak, prijevoz i ishrana u toku studija), obzirom na socijalno ekonomski status stanovnika ove općine i udaljenost općine od univerzitetskih centara.

Otvorena je rasprava u kojoj su učestvovali vijećnici: Elvir Rožajac i Ismet Abdulahović.

Zaključena je rasprava i predsjedavajući OV stavio je na izjašnjanje prijedlog vijećnice Dženane Bešić.

Nakon izjašnjanja vijećnika predsjedavajući OV konstatira da je predloženi Zaključak **jednoglasno usvojen.**

10. Džemo Kevrić kao predsjednik Kluba vijećnika BPS upoznao je prisutne sa Inicijativom o održavanju sjednica Općinskog Vijeća Vareš, na zahtjev Izvršnog odbora BPS Vareš.

Sa sadržajem Inicijative upoznao je prisutne i kopije Inicijative podijelio predsjednicima Klubova, napominjući da se predsjednici Klubova o ovoj Inicijativi izjasne do slijedeće sjednice OV.

Predsjedavajući OV naglasio je da se o ovoj Inicijativi predsjednici Klubova i vijećnici izjasne u pismenoj formi.

11. Vijećnik Jasmin Salketić podsjetio je prisutne na problem greblja u MZ Dabravine općina Vareš, dao objašnjenja i predložio Općinskom načelniku da se ubrza procedura oko rješavanja ovog problema.

Predsjedavajući OV stavio je na izjašnjanje predloženi

Zaključak:

- Traži se od Općinskog načelnika da se uključi u ovu problematiku i da hitno riješi problem u vezi greblja u MZ Dabravine, općina Vareš.

Nakon izjašnjanja vijećnika predsjedavajući OV konstatira da je predloženi Zaključak **jednoglasno usvojen.**

12. Fahrudin Brkić poslanik u Skupštini ZDK izvijestio je prisutne da sva pitanja koja su upućena njemu na sjednicama OV Vareš, kao poslaniku u Skupštini ZDK evidentira, ali još uvijek nije imao priliku da ih iznese na sjednici Skupštine ZDK, jer nije održana u januaru mjesecu tekuće godine.

Napominje da će sva pitanja iznesena na sjednicama OV Vareš predstaviti na

Skupštini ZDK, da su mu potrebne još neke informacije od Općinskih službi i nada se da ćemo dobiti odgovore na postavljena pitanja, od Skupštine ZDK.

13. Vijećnik Mato Pavić podsjetio je prisutne na probleme koji se dešavaju na regionalnom putu prilikom sječe i izvlačenja drva od strane JP „ŠPD“ d.o.o. Zavidovići i dao objašnjenje.

Predsjedavajući OV stavio je na izjašnjavaње

Zaključak:

- Obavezuje se Općinski načelnik da obavijesti nadležne Kantonalne inspeksijske službe i da traži njihovu intervenciju na regionalnom putu općine Vareš.**

Nakon izjašnjavaња vijećnika konstatira da je predloženi Zaključak **jednoglasno usvojen.**

Sjednica je završena u 14,00 sati i 10 minuta.

T A J N I K

Leon Pavlović

PREDSJEDAVALAČI

Josip Malbašić

ZAPISNIČAR

Azra Ibrahimović